



Broj: T01 0 KT 0046149 24

Bihać, 17.02.2026. godine

OPĆINSKOM SUDU U CAZINU
Sudiji za prethodno saslušanje

Na osnovu odredbe člana 45. stav 2. tačka h), a u vezi sa odredbom člana 241. stav 1. Zakona o krivičnom postupku F BiH, **podizem:**

O P T U Ž N I C U

PROTIV:

R. M.,

ŠTO JE

1. Dana 25.07.2024.godine, oko 19,30 sati, u C., naselju T. R., na proširenju pored lokalnog puta ispred porodične kuće T. A., nasuprot koje se nalazi kuća R. Š. te igralište Osnovne škole T. R., gdje se dovezao svojim p.m.v. marke Mercedes, registarskih oznaka ..., pa nakon što je izašao iz vozila i došao u dvorište T.A., verbalno se sukobio sa T. A. u vezi navodnog novčanog duga koji ovaj ima prema njemu, da bi u jednom momentu krenuo prema vozilu i sjeo u isto na mjesto vozača, a kada je T. A. prišao vozilu i otvorio vrata suvozača, nagnuvši se gornjim dijelom svoga tijela u unutrašnjost vozila, isti je, svjestan da pucanjem iz vatrenog oružja može izazvati opasnost za život ljudi ili imovinu većeg opsega, a što je i htio, uzeo pištolj marke Češka Zbrojovka, model VZOR 70, call 7,65x17 mm, fabričkog broja ..., kojeg je repetirao dok je sjedio na mjestu vozača, a potom iz istog i ispalio jedan hitac pored nogu T. A., da bi, a nakon što je T. A. krenuo prići vratima vozača, isti izašao iz vozila držeći u ruci navedeni pištolj, u kojem momentu mu je T. A. pokušao oduzeti pištolj, u čemu nije uspio, a R. M. ponovno iz pištolja ispalio hitac u pravcu nogu T.A., odakle se vozilom udaljio sa lica mjesta.

Dakle, pucanjem iz vatrenog oružja izazvao opasnost za život ljudi ili imovinu većeg opsega,

2. Dana 26.07.2024. godine, u C., suprotno odredbi člana 7. stav 5. Zakona o oružju i municiji USK-a, iako svjestan da je zabranjeno držanje oružja, municije i bitnih dijelova za oružje bez odgovarajućih isprava, a što je i htio, u prostorijama kuće gdje živi, na adresi Ć. ..., neovlašteno držao vatreno oružje – pištolj marke Češka Zbrojovka, model VZOR 70, call 7,65x17 mm, fabričkog broja ..., okvir za predmetni pištolj u kojem se nalazilo šest

komada metaka call 7,65x17mm te četiri metka call 7,65x17 mm, a koji pištolj, okvir za pištolj i municija su prema članu 6. stav 1. tačka b) podtačka 2 istog zakona svrstani u kategoriju B oružja - oružja za koje je potrebno odobrenje, koje isti nije imao, koji predmeti su pronađeni prilikom pretresanja kuće i pomoćnih objekata izvršenog po naredbi Općinskog suda u Cazinu.

Dakle, bez važeće isprave o oružju držao oružje, municiju i bitne dijelove za oružje kategorije B

Čime je počinio krivično djelo – Izazivanje opće opasnosti iz člana 323. stav 1. KZ F BiH u sticaju sa krivičnim djelom - Neovlašteno nabavljanje, posjedovanje, držanje, nošenje, trgovina, popravljavanje, modifikacija ili prepravljavanje i posredovanje oružjem, bitnim dijelovima oružja i municijom iz člana 73. stav 1. tačka a) Zakona o oružju i municiji Unsko-sanskog kantona, a sve u vezi sa članom 54. KZ FBiH.

P R I J E D L O G **dokaza koje treba izvesti**

- 1. Da se ispitaju vještaci:**
- 2. Da se u svojstvu svjedoka ispita:**
- 3. Da se pročita:**
- 4. Da se izvrši uvid u:**

Predlažem da se temeljem odredbe iz člana 71. stav 1. tačka e), a u vezi sa odredbama člana 78. Krivičnog zakona FBiH prema R. M. izrekne:

SIGURNOSNA MJERA **oduzimanja predmeta**

Od optuženog R. M. oduzima se pištolj marke Češka Zbrojovka, model VZOR 70, call 7,65x17 mm, fabričkog broja ..., okvir za predmetni pištolj u kojem se nalazi šest komada metaka call 7,65x17mm te četiri metka call 7,65x17 mm, kao predmeta koji je upotrijebljen za učinjenje krivičnog djela.

REZULTATI ISTRAGE

Dokazi koji potvrđuju navode iz optužnice:

KANTONALNI TUŽILAC